

آبونه شرائطی
داخلی، خارجی هر پر ایچون
سنه لئی (۲۵۰)، آلتی آیلنی
(۱۳۰) غروشد.
[نسخه سی ۵ غروش،
سنه لئی ۵۲ نسخه در.]
اداره خانه
باب عالی جاده سنده دائره مخصوصه
اخطارات
آبونه بدلی پشیندر
مسلكه موافق آثار مع المنونیه
قبول اولنور. درج ایدله بن
یازیر اعاده اولونماز.

الرشید

دینی، فلسفی، علمی، ادبی هفتلق مجموعه اسلامیه در

اخطارات
آدرس تبدیلیده آبرجه بش
غروش کوندزلیدر.
مکتوبلرک امضای واضح
واو فوائلی اولنی و آبونه صره
نومروسی محتوی بولنی لازمدر.
ممالک اجنیه ایچون آبونه
اولانلرک آدرس لرنک فرانسه
جاده یازیلی رجا اولنور.
پارسی کوندزلیدی زمان نه
دایره اولی لرنک واضعایدیلرلی
اولنور.



سیدالرشاد

صاحب و مدیر مسئول
اشرف ادیب

باش محرر
محمد حاکف

والله یهدی من یشاء الی صراط مستقیم

عدد: ۳۶۴ ۳۰ شوال ۱۳۳۶ پنجشنبه ۸ آغستوس ۱۳۳۴ جلد ۱۴

اسرار قرآن

مقدمه

قرآنک تکایف و مقاصدی

کتاب کریم عبادات و معاملات خصوصاً بر قسمی نص
صریح شکلنده بولان، قسم دیگر قواعد اصولیه توفیقاً آیات
قرآنیه دن استنباط اولان بر طاقم احکام اورتیه قویمشد.
کرک عبادات، کرک معاملات اعتباریه کتاب عزیز درین
بر نظر امان ایله تدقیق و تأمل ایدنلر اونک فصل باهر حکمتلری،
معظم فائده لری، علوی مقصدلری احتوا ایتکده اولدیغنده شک
و تردده امکان بوله مازلر.

از جمله صلاة، صوم، زکاة و حجک، منکر و معاندلری بیله تسلیم
و اعترافه مجبور ایدم جک، حکم بالغه، فوائد بی نهایتی واردر که
تفسیر منکر مباحث متعلقه سنده بولنره دائر معلومات مفصله
ویره جکنر.

اوت، عقل بشر قاصر اولدینی ایچون، احکام قرآنیه تحتند
مندج اولان غایات الهیه نک کافه سنی احاطیه مقتدر دکلدر.
بر طاقم احکام واردر که حکمت مشروعی ساحت عقل و ادرا کمزدن
اوزا قدر. فقط بو، احکام مبحونه نک تأمین حکمت و مصلحت،
یا خود دفع مضرت و مفسدت قابلیتندن محروم اولدیغندن دکل،
بلکه اونک احتوا ایتدیکی معانی لدنیه بی ادرا کدن عقللری مزک عاجز
و قاصر اوله سندن نشئت ایتکده در. قرآنده نیجه عالی حکمتلر

وار که عصر لرجه بصیرت لریمزه خفی قللمش اولدینی حالده تجارب
و حادثاتک تأییدات متوالیه سنه مظهر اوله اوله انظار اعتبار
اوکنده بر بدر درخشان حالنده لامعه نثار اولغه باشلامشدر.
بوکی شیلردن اطرافیه بحث و تنقیدی مواقع عائده سنه تعلیق
ایتمکله برابر شوراده عمومی برقاج سوز سویله دن کچمکی آرزو
ایتمورز:

قرآن حکیمک احتوا ایتدیکی احکامک کافه سنده، کرک حکمتی
معلوم و لیسون، کرک عقللریمز بوکونه قدر غایات و مقاصدینه نفوذ
ایده مامش بولنسون، بهمه حال برر مصلحت بشریتی هدایت
سائق بر فضیلت مند مجددر که بونلرک هبسی انسانلرک بتون
انواعیله عباداتک جناب حقه مختص اولدینی بیلمه لری، آداب بشریه
سدید و قویم بر مجری تعیینیه برابر معاش و معاده متعلق خالدرینی
اصلاح و تنظیم خصوصنده ذات حقک ارشاداتندن استعانه ایلمه لری
نقطه لری اطرافنده طوبیلا نیر. کشفیات علمیه بزه هر کون قرآنده
اسرار اکوانه، نشون زمین و آسمانه متعلق موجود اولان احکامی
تأیید ایدم جک بر نیجه حقایق تجلی ایتدیر مکده اولدینی کی، بر طرفندن ده
هوس استکنانه و تدقیق عقول بشری بعض احکامده هنوز خفی
قللمش اولان حکم و سرائرک پیدرپی کشف و اطلاعنه سوق
ایده جکدر. ذاتاً اصللری اعتباریه بوقیل احکام دیگر لرینه
نسبت ایدیه جک اولور سه مقدارلری بارمقله ضایله بیله جک
قدر آزددر.

قرآن کریم سائر کتب ادیان کی اولسه یدی محتویاتی قبول
و تسلیمندن بشقه بر چاره من یوق دیر، موضوع بحث اولان
احکامک مستند اولدینی علل و غایاته پیدای اطلاع ایتک ایچون

انجمن دن اینجہ یہ تدقیقاتہ کیریشمکہ کندیمزده برحق وصلاحیت کورمزدرک . فقط بویله برحرکت، اسلامک مؤسس اولدینی قواعد متینہ وحکم بالغہ یہ منافی دوشہجکی کبی، دین قرآنک حائر اولدینی امتیاز مخصوصی ده اخلاص ایدر. اویله برامتیازکہ اسلامک پروزسر بر دین فطری شکلندہ تجلی ایتسی، وبونک اودینہ خاص برمزیت اولدینغده شہیہ محل اولامسی اونک برائر فیض ونعمتیدر . بویله اولنجہ قرآنک، احکامنسدن هیچ بری فطرت بشریہ وقوانین اجتماعیه مقتضیاتنه منافی اولمیان برکتاب فطری اولدینغی برحقیقت ثابتہ اولهرق قبول ایتک ضروریدر .

استاد حکیم شیخ محمد عبده [۱] رحمه الله دیورکه : اسلام کرک کون کیر (عالم)، کرک کون صغیر (انسان) ده وقت وقت رونما اولان حادثات قارشینسدن عقلک صابلاقم استعدادینی کوستردیکی اوهمام وخیالاتی، برحقیقت اولهرق قبول وتقریر ایتیش اولدینی آئیدہ کی قناعت واعتقاد سایه سنده، اساسندن سوکوب آتمشدر : صنع عالمه مودوع اولان آیات کبری جناب فاطر حکیمک علم ازلیسنده تعین ایتیش اولدینی قانونلر دائره سنده جریان ایتکده اولوب حادثات جزئیہ بونلرک تغیر واخلالی خصوصندہ حائر تاثیر دکلددر . شوقدر وارکہ بو آیات کبرای الہیہ ده جناب حقک برائرنصنع وحکمتی کورمه مک، بونلرک خارقه تجلیسی مواجهه سنده صانعک قدرت وعظمتی برلسان خشوع ایله یاد ایتهمک مقتضای عبودیتله قابل تألیف اوله ماز . حدیث شریفده « ان الشمس والقمر آیتان من آیات الله لا یخسفان لموت احد ولحیاته فاذا رأیتم ذلك فاذا کروا الله = شمس ایله قر جناب حقک آیات قدر تبندن برر آیتدرکہ دوچار خسوف اوله لری کیمسه نک اوله سی قالمه سیله علاقہ دار دکلددر . بناء علیه خسوف کورورسه کز الہک قدرت وعظمتی یاد ایدیگز . شو حدیث شریف صراحه اکلاتیورکہ آیات کونک هر بری عنایت ازلیه نک برطاقم قوانین اصلیه یہ مستند اولهرق وضع وتعیین ایتیش اولدینی نظام واحد اوزره جریان ایدہ کلکده در .

حضرت استاد بیاناتنه دوام ایدہ رک دیورکه : امتلرک احوالنه کلنجہ ؛ جناب حقک بالجله شرایع الہیہ یہ تودیع ایتیش اولدینی روح کہ انسانک فکری تیصحیح ایتسی، حقیقتی کورمه ک آلمه سی، آمال وهوساتنه حاکم اولسی، مشتیات نفسانیہ سی محدود بردائره یہ حصر ایتسی، هرايشه یولیلہ باشلا یوب مقاصد خیریه سی الہ ایتک ایچون اسبابنه توسل ایلسی، اماتی محافظه وانسانلرله اولان مناسباتنده اخوت، برواحسانه تعلق ایدن خصوصاته معاونت، خیر وشرده ابنای نوعنه ابراز حسن نیت قیدندن وارسته قالمه سی وسائرہ کبی برطاقم فضائل اساسیه نک منشئدر، امتلری حقیقی برحیاته، آخرتدن اول دنیاده کندیلرینی سعادت کامله یہ مظهر

ایدہ جک اولان ایشته اوروح در . « من یرد ثواب الدنیا نؤتہ منها »

امتلر مناسبات اجتماعیه لرندہ بوروحی محافظه ایتدکجه جناب حق هیچ بروقت اونلردن نعمتلرینی سلب ایتمز . نعم الہیہ نک قوللری اوزرندہ معیار تزاید وتناقصی او روحک درجه قوت وضعفیدر . بوروحک افولنی راحت وسعادت اقوامک ده زوالی تعقیب ایدر ؛ حیاتندن نصیبلری عزت یرینه ذلت ومنسکتندن، کثرت وقوت یرینه ضعف وقلندن، رفاه وآسایش یرینه محنت وشقاوتندن، راحت یرینه مشقتدن عبارت اولور . صکره ده جناب حق اوزرلرینه یا برطاقم ظالملری، یاخود ارباب معدلتی تسلیط ایدہ رک اونلر واسطه سیله ساحه کوندن وجودلرینی سیلوب سوپورور « واذا اردنا ان نهلك قرية امرنا مترفها ففسقوا فيها فحق عليها القول فدمرناها تدمیرا »

برکره ده بو حال تحققی ایتد کدن صکره آرتیق آه وانینک، بکاو فریادک تأثیری، صوری عمللرک فائده سی کورولمز؛ دعالر مستجاب اولماز . انسانلرک بوتعاقب ایدن فلاکتلردن قورتولملری ایچون برچاره قالیرکہ اوده بوروح فیاضک تکرار سایه طافتنه صیفینمق؛ ذکر وفکر، صبر وشکر کبی فضائلی توسط ایدہ رک اونی صعود ایتیش اولدینی آسمان رحمتدن تکرار کندی ساحه لرینه تنزل ایتدیرہ بیلیمکدر . « ان الله لا یغیر ما بقوم حتی یغیروا ما بانفسهم »

جناب استاذ بوبخه شوسوزلرله ختام ویرمکده در : شویان ایتدی کمز شیر ملاحظه ایدیلرسه آکلاشیلیرکہ اسلام فضائل اساسیه دن حوزه کالاتنه آلامدینی برفضیلت، مکارم اصلیه دن تجدید واحیا ایتدیکی برمکرمت، قواعد نظام وانتظامدن تقریر وتأیید ایتدیکی برقاعده بر اقامشدر . اسلامک بومحاسنی نتیجه سیدرکہ انسان سن رشده واصل اولور اولماز حریت فکریه سنه، نظر واستدلال خصوصندہ استقلال عقلیسنه تمامیلہ صاحب اولور ؛ اخلاق وسجایاسنی تهذیب، عزیم واراده سی تهییج وتنیه ایله طریق فعالیت سوک ایتک ایچون اونک روحنده اک قوتلی سائقلر بولور . نه حاجت، قرآن عظیمی بر فکر امان وتدبرله تلاوت ایدنلر شہ سزدرکہ اسلامک بوکی محاسن بی نهایتنه حائذ بیتمز توکنمز خزان کشف ایدرلر . اثبات رشد ایدہ نک وصایتہ، ملکات عقلیه سی کماله ایرنلرک ولایتہ احتیاجی وارمیدر؛ اصلا . شو سرد ایتدی کمز حقیقتلرله رشد وسداد بوللری زیغ وفساد کریوه لرندن تمیز ایتیش، انسانلرله سعادت مادیه ومعنویه نک اقصای مرآتیه واصل اوله بیلیمک ایچون شہ راه هدایتہ سالک اولمقدن، یدرحمتک کندیلرینه اتحاف ایتیش اولدینی نعمتلردن استفادہ نک یولنی بیلیمکدن بشقه برشیته احتیاج قالمامشدر .

مترجمی : محمد شوکت عبدالعزیز چاولیش

